

# Bikoluwa bya Mwoyo Ahikiliye



*... A library in every language!*

Lubwisi

Bible Story



# **Bikoluwa bya Mwoyo Ahikiliye**

## **Acts of the Holy Spirit**

Translated by: Rev. Timothy Bandirana

Edited by: Musinguzi Charles

Lubwisi

Trial Edition

August, 2008

300 copies

ISBN

© Kwamba/Lubwisi Development Association

c/o P.O. Box 1124

Bundibugyo, Uganda

*with*

© SIL International

P.O. Box 750

Entebbe, Uganda

*This is a shell book.*

Permission is granted for non-profit reproduction of this book in local languages only.

### **Acknowledgements**

Original text edited by: Peter Stocholm, BTL, Kenya, 1997

Illustrations and text are adapted from

*“Look Listen and Live Bible Pictures.”*

Copyright © Language Recording Inc. Australia

Used by permission.

### **Paulo bamukwatiye mu Looma**



Paulo aamala myaka ebili mu Looma ali munankomo. Bantu baamwis’o kandi aabegheesiy’o Yesu. Aahandikila bahikilija maabbaluwa ghakaniye. Bbaluwa sinji sili mu Bbaibbuli. Bbaluwa esi niisiyo tukwete kukoleesiya endindi mu makanisa.

Oleke tuusuke bighambo bya Paulo:

“Taaliyo Luku, kedha bwomili, kedha kintu kyona ekihanguwe ekilimbaghanija na Luhanga oghu oolekeleeuwe mu Yesu Kilisito.”

## Kyegha nkyatiya bwati bunamulito



Basilikale baatwala Paulo mu Looma na banankomo banji. Bakwamila mu maasi baniiniye bwati bunamulito. Bwati bunamulito kwasanga-sangaana na kyegha kya maani haa nanja. Bantu boona baakimanya nangoku bakukuwa.

Malaika aabugha na Paulo aaghila ati, “Paulo oleke kwobaha, okwemilile mu maaso ghaa mulemi oghu. Bhaatu Luhanga akughenda kujuna bwomiili bwa bantu boona aba oli nabo aba.

Bwati bunamulito bwesukana haai-haai n’etaka, bwatandika kutwika-twika mu mighina ya nanja. Bantu batandika kuhala maasi haa nanja, boona baalughamu mpemba.

## Kwanjula

Kani nkatabo aka buli muntu angukoleesiya.

Bakuukalagha mu Disitulikiti ya Bundibughiyo mu Uganda. Bahikiye nga mitwalo 200,000 obaliyemu n’abali Kongo DRC. Tukunihila tuti katabo kani kakukudheedha, kandi na butumuwa bwa Makulu ghasemeeye ghaa Luhanga aghalimu, bukukudheedha.

Makulu agha ghakughila ghati, Niwaahikiliije Yesu Kilisito enkaha kandi omwesigha, Luhanga akugubha kukughanila bibhi byawe kandi okutungwa bwomili butahuw’o.

## Preface


This is a book which every one can use.

The Bwisi people stay in Bundibugyo District in southwest Uganda. They are about 200,000 people including those across the border in Congo DRC.

It is our hope that you will enjoy this book, and you will believe the good message in this book.

The message says if you trust and only believe in Jesus, God can forgive you your sins and you will have eternal life.

## Yesu naaniina mu Eghulu



Yesu akaasa mumsi naalugha mu Eghulu mu myaka 2000 eghi ekasaala.

Akaasa kutuleetela

bwomiili bwa Mwoyo. Yesu ataabaye mu bwomiili bwatu tukubaagha tuli bantu abakuuye mu Mwoyo. Kandi tukubaagha tulughiye ewaa Luhanga.


Yesu akaasa niikuwo atodhe atukuukiye ewaa Luhanga. Bhaatu bantu babhi bakaata Yesu bamubamba haa musalaba. Bhaatu haanuma ya bilo bisatu, aahumbuuka aalugha mu bakuuye.

Bantu bakaniye na (Bakwenda be) baamubona. Kandi aabaghambila ati mukutunga maani obu Mwoyo Ahikiliye akubaas'o obu niibuwo mukuugubha kughenda mumsi yona nimughambila bantu ebi naabaghambilagha n'ebi naakolagha.

Dumbi niibuwo Yesu aaniiniye mweghulu.

Kilo kimui, alitodha kukuuka mu mulingo ng'oghu mwamuboone naaniinilamu.

## Paulo naatebeja mulemi



Paulo aakala mu nkomo kumala myaka ebili. Beebembeli baa Bayudaaya baakala mbanabbala kumwita, bhaatu Yesu aabonekela Paulo aamughila ati, "Otobaha kughambila bantu baa Looma haa liina lyanje."

Baaleeta Paulo mu maaso gha mulemi Agulipa, bhaatu Paulo toobahiye bbaa. Aabaghambila nangoku Yesu aamubilikiye kwisa kutebeja ngoku ali mukama.

Agulipa akaba ali haai-haai kuhikilija ebi Paulo akwete kumughambila ebikwet'o Yesu, nanga akaghila ati Paulo taakoliye nsobi yona. Bhaatu akaba atali na butoki bwa kumulekela.

Aaghila Paulo ati aghende mu Looma ewaa mulemi oghu alemiye buli muntu weena wa Looma.

## Basilikale mbaaya Paulo mu mikono ya Bayudaaya.



Paulo eeyongla kubungila bahikiliya b'omu mahanga ghakaniye. Bahikiliya bakaniye baahabula Paulo kutatodha kughenda e Yelusaalemu. Nanga bakaba bakimaniye nangoku Bayudaaya baabbalagha kumwita. Bhaatu Paulo aabaghila ati, "Siye neetekaniije kukuwa haabwa Yesu." Dumbi Paulo aaghenda e Yelusaalemu. Dumbi beebembeli baa Bayudaaya baahaghililiya bantu kwebisiilila Paulo, niikuwo bamwitile mu luguudhe. Bhaatu basilikale baa Balooma baamukoonela kuleka batamwita.

Paulo aamilila hanja ya nkomo ya Balooma, aaghambila bantu nangoku aafookiye mukwenda wa Yesu, bhaatu baatandika kughila bati, "Mumwite!"

Basilikale baakwata Paulo baamuta mu nkomo ghuli mulingo ghwa kumujunilamu Bayudaaya.

## Mwoyo Ahikiliye naasa nga muliilo



Bilo bikee Yesu amaliye kughenda mu Eghulu, bakwenda be bakeegumbaniya mu numba emui.


Banali omu, bakaaghuwa kikukumo kya maani mu mwanya nga kyegha kya maani kikuhunga.

Bantu bakabona bintu bisusiye nga bilimi bya muliilo.

Byetambulaniyamu, byaghend'o buli omui mu baabaagha mu numba omu kandi boona maani ghaa Mwoyo Ahikiliye ghaabaas'o ngoku Yesu aali amaliye kubalaghisaniya.

Baatunga maani ghabagubhiisiya kubugha mibughe ngoku Mwoyo Ahikiliye aabagubhiisiye.

## Peetelo naatebeja bantu



Beghesebuwa baa Yesu bakaba bali mu kibugha kya Yelusaalemu.

Mu kibugha eki hakaba halimu bantu bakaniye balughiye mu biikalo bikaniye munsu yona.

Obu beghesebuwa baa Yesu baatungiye Mwoyo Ahikiliye, baabughila bantu mu mibughe eghi bantu aba bakwetegheleliya. Baabaghambilo Yesu oghu akakuwa kandi aahumbuka.

Peetelo aamuka, aghila ati, “Ebi muboone n’ebi muughuuye, ni bisembo bya Mwoyo Ahikiliye.”

Bantu bakaniye baasiima bighambo bya Peetelo ebi aabughiye baasiima kubatijibuwa na maasi nga kaakulolelo kakwelebuwa kwa bibhi. Nabo dheeba baatunga Mwoyo Ahikiliye haabwa kuughuwa bighambo Peetelo aabughiye naakoleesiya njegheesiya ya Yesu.

## Paulo mbamutwala kumutwila mu sango



Paulo aaghenda mu tauni ya Kolinto, bantu baa Kolinto bakaba bali bantu basiisi. Bayudaaya aabaabaaghayo bakaleka Paulo aabona-bona.

Kilo kimui, mukilo, Mukama aabugha na Paulo aamughila ati, “Otobaha, bhaatu ookale noonabugha. Otalekelele. Ndi hamui naawe. Taaliyo muntu n’omui oghu akuguubha kukukola kubhi.” Paulo aakala mu Kolinto kandi bantu bakaniye baahikilija bighambo biye.

Kilo kimui Bayudaaya baakwata Paulo kandi baamutwala kumutwila musango. Baaghila bati bamunyegheleleeye nanga niibuwo eegheesiya bisubha. Bhaatu mulemi oghu akaba alemiye balemi boona ebi taabitegheleleeye bhaatu aamulekela. Bayudaaya baabbala kuhuula mwebembeli wa Kolinto, bhaatu bataamukol’o kantu koon kabhi.



## Paulo ali h'eki bakuhongelagh'o luhanga atamanuwe

Mu tauni  
ya Atena,  
bantu  
baalamiyagha  
bihongano  
byabo.

Bantu  
b'omu Atena  
baabbala  
kumanya ebi  
Paulo akwete

kwegheesiya Paulo aabaghambila ati enuwe basaasa baa Atena, naaboone nangoku muli basaasa baasuuye diini. Obu naabungilagha mu tauni yaanu, naaboone hambali mukuhongelagha hambali bahandiikiye bati, "Hambali tukuhongelagha Luhanga oghu tutamaniye, bhaatu siye nkubbala kubaghambila Luhanga oghu mutamaniye oghu.

Paulo aabaghambil'o Luhanga wa majima oghu akahanga buli kintu kyona. Aabaghambila ati Luhanga ni mwomiili, taakoleewe mu byoma kedha etaka kedha mabaale. Paulo aabaghambil'o Yesu oghu Luhanga aahumbuuye kulugha mu bakuuye.

Banji baahikilija banji baamusekeelela. Bhaatu abaamusiimiye, baatunga bwomiili butahuwo.

Naatu dhee, tukugubha kumanya Luhanga omui wa majima.



## Bantu baa Mukanisa



Bantu abaatungiye Mwoyo Ahikiliye, boona baakala hamui baafooka bantu baa ka emui namulito. Aba niibo bafookiye kuba Kanisa (Bakulisitaayo). Baaghabanagha sente syabo na byona ebi baali bali nabiyo byakoonelagha bantu abaabaagha na byetaagho.

Buli kilo baakughijagha Luhanga kandi basabila hamui. Beeghesebuwa baabeegheesiyo Yesu, kandi baliilagha hamui kandi banwela hamui viini. Yesu akalaghila bakwenda be ati aliikuwo baakolagha batiyo.

## Musaasa Musaba-sabi oghu akaba alamaaye natunga kukilibuwa



Kilo  
kimui  
Peetelo  
aghendagha  
mu numba  
ya Luhanga  
kusaba. haa  
elembo lya  
numba ya  
Luhanga  
eghi,  
musaasa

alamaaye aakalagha asitamiy'o naasaba-saba bantu boona abaasagha mu numba ya Luhanga eghe. Musaasa oghu akaba atakalubhatangagh'o nakilo na kimui nanga akabyaluwa aghenagheneewe. Niibuwo aasabiye Peetelo na Yohaana ati bamuhe sente, niibuwo Peetelo aamughiliye ati, "Siye tandi na sente, bhaatu nkukuha eki ndi nakiyo... Mu liina lya Yesu Kilisito oomilile kandi olubhatange!" Peetelo amukwata haa mukono aamumukiya. Dumbi maghulu ghaa musaasa oghu na nkokolo siye byatunga maani.

Haabwa maani ghaa Mwoyo Ahikiliye, kandi na kusiiima Yesu kuba mujuni wee, aakila.

Aatunga kitembo kisaaiye sente esi aabbalagha. Aataaha mu numba ya Luhanga naalubhatanga, naahalalaniya kandi naasinda Luhanga.

## Paulo na Silaasi bali mu musiki

Paula aatwala bhootu siye Silaasi baabhasuka ebhimba ya nanja mutuku baaghenda Makedoniya. Makedoniya eli mu Yulupu. Baatandika kughambila bantu baayo haa Yesu Kilisito, banji baahikilija banji baabhenga kandi basaaluwa. Baahuula Paulo na Silaasi kandi baabata mu nkomo.



Mukilo omu, Paulo na Silaasi baasaba kandi balimbila Luhanga bilimbo, dumbi musiki ghwa maani ghwatandika kudhinga-dhingiya. Milyango yaaghulika kandi Njeghele esi baali bababohiye syasambuuka. Mulindi wa nkomo ateekeleja ati banankomo baalukiye. Aatuntulila kimui nanga akaba akimaniye nangoku bakumubuuliya banankomo aba.

Paulo aamutanuka aaghila ati, "Uwe, oteekola kubhi tuli hani etuwe boona!"

Oghu akaba alindiye nkomo oghu aababuuliya ati, "Nanje nkole ki niikuwo njunuwe ng'anu?"

Paulo aamukuukamu ati, "Ohikilije Yesu dumbi okujunuwa." Nakudheedhuwa kukaniye oku, oghu akaba alindiye nkomo oghu na bantu baa ka yee boona baajunuwa.

## Musaasa na boneekela Paulo mu ndooti



Bwile bumui, Paulo aaghenda mu lughendo kulola bibbula bya bahikilija boona. Eye hamui na baabhootu siye, baabbalagha kutebeja mu ehanga lya ASiya, bhaatu Mwoyo Ahikiliye aabatanga. Tabaamanyagha hambali bakutodha kughenda.

Kilo kimui, Paulo akaba alangaaye, aabonekeluwa, aabona musaasa wa Makedoniya. Musaasa oni aamughila ati, “Paulo, wiise e Makedoniya otukoonene!” Dumbi Paulo aakyategheleliya nangoku Luhanga aliye hakaba abalindiye kughenda Makedoniya.

## Peetelo na Mukali oghu akaha bisubha



Ananiya na Mukali wee Safila, baaghuliya etaka lyabo, baacuwamu kuha kimui ky'ekumi kya Sente syabo ewaa Luhanga. Bhaatu tabahaaye syona esyali sibhonganuwe kulugha haa sente esi. Baabis'o sinji.

Ananiya aleetela Peetelo sente sitahikiye aamughila ati esi niisiyo syonini syalughiyemu.

Peetelo akimanila kimui nangoku Ananiya akwete kumudimaaga. Aghambila Ananiya ati, “Taniibuwo wadimaaga muntu, bhaatu niibuwo waadimaaga Luhanga.” Dumbi haala hoonini Ananiya eegenga hansi kandi aakuuye. Batabhana babili bamuheka nambali eengiye baaghenda baamujiika.

Hanuma ya bwile bukee, Safila naye aasa aaha bisubha ng'ebi eba wee Ananiya aahaaye caali akaba atamaniye ekyabaay'o, naye dhee eegenga hansi aakuuye baaghenda baamujiika haakpengbu ya mbali bajikiye eba wee.

## Mbahuula Siteefaano Mabaale kumwita



Siteefaano akaba ali mwebembeli wa bahikilija oghu aakoonelagha banaku. Aabughagha majima ghaa Yesu, eki niikiyo kyasaalilagha beebembeli baa Bayudaaya.


Baamukwata baamutwala kughenda kumutonganiya mu bakama mbaghila bati akusobiyagha. Bhaatu Siteefaano taatuntuuye nanga akaba akimaniye nangoku Mwoyo Ahikiliye ali hamui naye. Siteefaano aabaasukiya nangoku baatiye Yesu oghu akalugha ewaa Luhanga.

Kintu eki kyasaalila Bayudaaya, baakwata Siteefaano baamutwesiya hanja ya kibugha baamuhuula mabaale baamwital'o.

Musaasa oghu baaghilaghamu Paulo aalinda kooti syabaahuulagha Siteefaano mabalale. Hakumaliilila Siteefaano aaghila ati, “Muakama Yesu otangilile Mwoyo ghwanje kandi oghanile basaasa bani haabwa eki baakoliye kini.”

## Paulo naatebeja haa Yesu

Paulo na Balanaba baaghenda mu tauni sikaniye kimui. Baasanga-sangaana na Bayudaaya mu malamiliyo ghaabo agha baasabilaghamu baabaghambila bati, “Luhanga wa Bayudaaya akakoma baa esetuwe aabafoola kuba bantu beehanga linamulito. Aabaha beebembeli baanamulito kandi na balangi.



“Balangi bani baatughambil'o muntu oghu aliisa kutujuna mu bibhi byatu. Oghu niye Yesu Kilisito. Bhaatu bakulu baadiini ya Kiyudaaya tabamaniye Yesu obu aasiye nanga tabeetegheleeye ebi beegheesiya baabo baabeegheesiyaagha.

“Yesu taakoliye na kantu koono kabhi bbaa, bhaatu baamwita. Bhaatu Yesu aamuhumbuula kulugha mu bakuuye kandi talitodha kukuwa. Muntu weena oghu akwesigha Yesu, niye akuukala mu bumui na Luhanga.”

Bayudaaya banji na bantu banji, baahikilija bighambo ebi Paul eegheseeye kandi bibbula bikaniye bya bahikilija byatandika. Bhaatu bantu banji tabaikiliije.

## Bahikilija mbasabila Paulo na Balanaba




Paulo na baabhootu siye hamui na Balanaba, baaghenda kwegheesiya bahikilija baa Antiyokiya.

Kilo kimui obu beebembeli baa bahikilija baasiibiye kandi mbaasaba, Mwoyo Ahikiliye aabugha nabo aaghila ati, “Mukome Paulo na Balanaba haabwa mulimo oghu n’ababilikiliye kukola.” Luhanga akubbala baghende mu bantu abatakaghuwagh’o kighambo kya Yesu.

Dumbi beebembeli baa bahikilija baabat’o mikono yabo baabasabila. Baabaleka baaghenda kutebeja Makulu Ghasemeeye gha Luhanga.

## Mun’etiyopiya



Mu Samaliya, Filipino akaghambil’o bantu haa bya Yesu kandi bantu bakaniye baamuhikilija. Dumbi Luhanga

aghambila Filipino kukwamila mu luguudhe olusaaliye mu elungu. Buli musaasa wa maani Mun’etiyopiya, akakwamila mu luguudhe lw’omu elungu olu.

Obu aniinagha mu ekyamuheekagha, akaba akwete kitabo kya Luhanga. Kitabo eki kyabughagh’o muntu oghu akwisa kubona-bona niikuwo agubhe kujuna bantu boona. Bhaatu bantu baa Etopiya, tabaakyetegheeleliyagha.


Mwoyo Ahikiliye aaghambila Filipino kughenda haai na musaasa oghu, Filipino aamuughuwa naasoma, amughila ati kitabo eki niibuwo kyabugh’o Yesu oghu Luhanga aatumiye.

Mun’etiyopiya aaghonja kukwama Yesu, obu baanaghendagha hamui, aaghambila Filipino ati, “Maasi ghali hani nkubbala ombatije.”

Filipo aabatija Mun’etiyopiya dumbi aaghenda mu ehanga ly’ewaabo adheedheuwe. Dumbi Makulu Ghasemeeye ghaa Yesu ghaatandika kulalanga mu biikalo byona.

## Peetelo noolekuwa bisolo byona

Kilo kimui  
Peetelo  
aaghenda mu  
numba eghulu  
kusabilayo,  
eghi niiyo  
Luhanga  
amwolekeeye  
bisolo bitali  
bya mulingo  
ghumui.



Kitambaala kinamulito kyasunduka nkilugha eghulu kiliyo buli mulingo ghwona ghwa bisolo.

Peetelo aasaliluwa dumbi elaka lyalugha mu eghulu lyamughila liti “Peetelo, omuke wiite bisolo ebi kandi obuliye!”

Bisolo ebi Peetelo aboone bikaba bitasemeeye, kusighikila haa mighendiyo ya Bayudaaya na bilaghilo byabo. Peetelo aaghambila Luhanga ati, “Eki tankukisobola Mukama wanje. Tankaliyagh’o kisolo kyona eki bilaghilo byatu bitangiye.”

Bhaatu elaka lyamughila liti, “Otalitodho kughila kintu kyona eki Luhanga ahangiyeye oti takisemeeye.” Kitambaala ekiliyo bintu ebi kikamubonekela milundi esatu dumbi kyamubulangano kyakuukayo mu eghulu.

Luhanga aaha Peetelo bibonekeleejo ebi byona, nanga amuteekanijagha habwa bikughenda kumub’o mu maaso.

## Paulo bali na Ananiya



Paulo aamala bilo bisatu ataakubona. Mu bilo ebi taaliyagha kedha kunuwa. Luhanga aatuma Ananiya ewaa Paulo.

Ananiya akaba akimaniye nangoku Paulo aahighanijagha bahikilija, bhaatu akaghenda hambali Paulo ali nanga Luhanga niiye akamutuma.


Aamughila ati, “Paulo, Yesu oghu waaboone mu Luguudhe, niiye antumiye niikuwo otodhe obone kandi obe na maani ghaa Mwoyo Ahikiliye.”

Ananiya aamutoho aamukum’o na mikono yee dumbi Paulo atodha aatandika kubona.

Paulo aasula maani ghaa Mwoyo Ahikiliye. Dumbi Ananiya aamubatija. Mu kiikalo kya kutodha kuhighanija bahikilija, aatandika kughambil’o bantu Makulu Ghasemeeye ghaa Yesu.

## Elaka lya maani kulugha mu eghulu

Paulo akaba ali Muyudaaya oghu aahighanijagha Bakulisitaayo. Aamiliilila kuhulibuwa kwa Sitefaano mabaale.



Oobahiiiliya bahikilija bakaniye naabbala kubaata haabwa kuba bahikilija.

Kilo kimui aaghenda mu Tauni ya Damasiko. Akaba ali na kighendeleluwa kughenda kuhighanija bahikilija ba Damasiko. Obu aanaghendagha anali mu luguudhe, kintu kyakuswekaniya kyamub'o. Kyeleeli kinamulito kyamubbyokela mu maaso, Paulo eegenga hansi.

Elaka lyalugha mu eghulu lyaghila liti, "Paulo Paulo, okwete kumpighanija nangaki?"

Paulo aabuuliya ati, "Waitu, nuuwe ani?"

Elaka lyaghila liti, "Niisiye Yesu oghu okwete kuhighanija."

Basaasa abaali bali na Paulo baaghuwa elaka eli, bhaatu bataboona muntu n'omui. Paulo aamuka bhaatu ataagubha kubona. Basaasa bani baamukwata haa mukono baamutwala e Damasiko.

## Peetelo na bana Looma



Peetelo akaba makamala ati kusaba, basaasa basatu baamwis'o. Balughiye mu tauni enji musaasa liina

liye Koloneeli abatumiye. Koloneeli oghu akaba ali mulemi wa Balooma oghu aasabagha Luhanga. Obu aamaliye kusaba Luhanga, Malaika wa Luhanga aamuboneekela aamughila ati oghende obbale hambali Peetelo ali.

Bayudaaya baabonagha Banalooma batali bantu beeliye ewaa Luhanga. Bhaatu Luhanga akakyolekela Peetelo mu kwolekuwa ati taaliyo Lughanda na lumui olusemeeye.

Peetelo aaghenda na basaasa bani mu numba ya Balooma. Koloneeli aaleng'o kulamiya Peetelo, bhaatu Peetelo aamughila ati, "Oomuke, ndi muntu ngaawe. Mbiki byalekiye wambilikila oti niise?"

Koloneeli aaghambila Peetelo haa malaika oghu aaboone, na Peetelo amwoleka Yesu oghu akwolekagha bantu Luhanga.

Luhanga alisiima bantu boona kulugha mu mibughe yoono, na mu nganda syona mbamwisiy'o.

## Peetelo ali mu nkomo




Helude mukama atandika kuhiighanija bahikilija b'omu Yelusaalemu. Aata mukwenda oghu baaghilaghamu Yakobbo, kandi aakwatiisiya Peetelo mu nkomo.

Kilo kimui Peetelo akaba aghwesaghiye, kandi bamubohiye mpaghi ebili na njeghele. Malaika wa Luhanga aamuboneekela, kyeleleli kyabhakiliya kimui mu nkomo omu. Malaika aasusumuła Peetelo, aamughila ati, “Oomuke onkwame.”

Dumbi njeghele syatwika-twika haa mikono ya Peetelo.

Dumbi aakwama Malaika kulugha mu nkomo. njighi sya nkomo syehighula syonini kandi taaliyo n'omui oghu akabamiililiya. Malaika aabulangana.

## Peetelo na baabhootu be



Obu Peetelo aanabagha mu nkomo babhootu siye bakaniye baasanga-sanganagha kumusabila. Obu Malaika aamuhiye mu nkomo, Peetelo aaghenda haa numba hambali baabhootu be baasabilagha.

Aakonkona haa mulyango, mwesiki aasa kumuughulila. Bhaatu obu aaghuuye elaka lya Peetelo, aaligita aaghenda kughambila bantu ngoku Peetelo ali haa lwichi!

Baamughila bati olwaye esile uwe!

Peetelo aakala naanakonkona haa lwichi, baaghula lwichi, boona baakala baswekiye. Peetelo aabaghambila ngoku Luhanga aamujuniye mu mikono ya Helude.